



UNIVERSITI
TEKNOLOGI
MARA

Cawangan Sarawak
Kampus Mukah



Inou Dengah UiTM Mukah?

5th Issue | VOLUME 1 : JULY 2026

UiTM *di hatiku*

BULLETIN



EDITORIAL BOARD

MEET THE TEAM

**PROFESSOR DR.
FIRDAUS
ABDULLAH**
Patron



**DR. ABDUL JABBAR
ABDULLAH**
Advisor

**MS. SITI FARIDAH
KAMARUDDIN**
Chief Editor



**MS. STEFANIE NATASHA
RICH JOSEPH**
MS. FAKHIRA JAFRI
MS. CINDY ROBERT
MRS. NUR NADIA QAUSAR JUHARI
MS. SHIRLEY CLARE JERI
Editors



**MR. MUHAMMAD
ANAS ABDUL
RAZAK**
Records & Archives



MRS. IRENE SELUROH
Layout & Design
MR. SHILEYUSKEN MIJEN
Webmaster
**MR. ANAS ASRAWY
PENDAPAT**
Photographer



**MR. ERICKSON GRAVESENT
MUZIDI**
Internship Trainee



Published by:

Corporate Communication Unit, UiTM Mukah Campus

eISSN : 2976-257X

Published Date : 7 July 2026

NEWS AND ARTICLES

Komuniti Lestari, Mahasiswa Prihatin: Inisiatif Alam Sekitar Mahasiswa Diploma Pengajian Perbankan UiTM Mukah

Penulis: Azlan Yusof Punding dan Debbera Maria Tangkun

Mukah, 8 Mei 2026 – Seramai 45 orang mahasiswa dan mahasiswi semester dua Diploma Pengajian Perbankan Universiti Teknologi MARA Cawangan Sarawak, Kampus Mukah telah menyertai Program Gotong-Royong Pantai Kala Dana yang dianjurkan sempena Kempen Kesedaran Tanggungjawab Sosial. Program ini mencerminkan usaha berterusan mahasiswa dalam memupuk nilai tanggungjawab sosial serta meningkatkan kesedaran terhadap kepentingan pemeliharaan alam sekitar.

Program yang berlangsung di Pantai Kala Dana, Tapak Pesta Kaul Mukah itu bertujuan untuk menanam sikap cintakan alam sekitar di samping memberi kesedaran kepada masyarakat tentang pentingnya menjaga kebersihan pantai demi kelestarian alam semula jadi. Menurut Ketua Projek, Debbera Maria Anak Tangkun, salah seorang pelajar Diploma Pengajian Perbankan Semester 2 UiTM Mukah, aktiviti yang dijalankan bukan sekadar tertumpu kepada kerja-kerja pembersihan pantai, malah turut berfungsi sebagai medium pendidikan kepada komuniti mengenai tanggungjawab bersama dalam memelihara alam sekitar.



Beliau menegaskan bahawa isu kebersihan pantai memerlukan kerjasama semua pihak dan tidak hanya bergantung kepada pihak berkuasa semata-mata. Tambah beliau, program seperti ini mampu memupuk sikap prihatin serta meningkatkan kesedaran masyarakat terhadap isu pencemaran alam.

Sepanjang program berlangsung, para peserta menjalankan aktiviti kutipan sampah seperti plastik, bahan buangan dan sisa pepejal di sekitar pesisir pantai. Selain itu, poster berkaitan pemeliharaan dan cinta akan alam sekitar turut diedarkan kepada pengunjung sebagai usaha menyebarkan kesedaran awam. Bagi memastikan keselamatan dan kelancaran aktiviti, semua peserta turut dibekalkan sarung tangan serta beg plastik untuk pengurusan sisa yang lebih teratur.

Program tersebut turut mendapat sokongan daripada Encik Azlan Yusof Punding selaku pensyarah pengiring yang sentiasa membimbing serta memberi motivasi kepada para pelajar sepanjang aktiviti dijalankan. Kehadiran beliau mencerminkan komitmen pihak akademik dalam menerapkan nilai kepimpinan, kesedaran sivik dan tanggungjawab sosial dalam kalangan mahasiswa. Menurut beliau, penglibatan mahasiswa dalam aktiviti kemasyarakatan seperti ini dapat memperkukuh pembelajaran di luar bilik kuliah serta membantu membentuk sahsiah diri yang lebih positif. Beliau turut menyatakan bahawa program berunsurkan kesukarelawanan dan pemuliharaan alam sekitar mampu melahirkan generasi muda yang lebih peka terhadap isu semasa dan mempunyai semangat kepimpinan yang tinggi.

Penganjuran program ini diharapkan dapat diteruskan dari semasa ke semasa serta diperluaskan ke kawasan lain pada masa hadapan sebagai usaha berterusan Universiti Teknologi MARA dalam melahirkan masyarakat yang lebih prihatin terhadap alam sekitar dan memperkukuh budaya tanggungjawab sosial dalam kalangan warga universiti.

Published by:

Corporate Communication Unit, UiTM Mukah Campus

eISSN : 2976-257X

Published Date : 7 July 2026



Telephone/Fax

084-876100/084-876300



Email Address

korporat_swk@uitm.edu.my



Website

<https://sarawak.uitm.edu.my/>



Address

**Universiti Teknologi MARA (UiTM)
Cawangan Sarawak Kampus Mukah,
KM 7.5 Jalan Oya,
96400 Mukah, Sarawak.**

